

旅美見聞錄

旅美見聞錄序

鄧同志傳楷留美多年，以其當時見聞所得，輯爲旅美見聞錄，凡七十二則，關於彼邦之人情風俗，學校機關，交通風景等等，無不備述，披覽之餘，恍若重遊。

美爲新興之邦，其思想之自由，政治之民主，人民之坦白誠懇，活潑勇敢，獨立互助之精神，尤爲其他民族所不及。重以其科學之發達，生產之激增，故其人民之享受，亦較其他各國爲優，吾人理想上之大同世界，其實現之條件，亦以美國爲最完備。

中美邦交，素稱敦睦，現正並肩作戰，共抗強權，國人之留心彼邦政情者，日必加多，而戰後留美學生，亦必驟然增加，毫無疑義，本書問世，定卜受人歡迎，風行一時，爰書其端，以資介紹。

陳希豪三二、二、六、

二、長崎小憩

十七拂曉起床，翠屏在望，船進日本內海矣。青山環抱，景色宜人，此長崎港也。到港時才五時許，當由友人柳君偕往一日本餐館，至則鄉僻幽靜處，小樓一座，恍似桃源入口處，有日婦二，跪拜不止，意似欲延吾等入座者，登樓後，柳君倡議卸西裝，易和服，稍憩片刻，乃下樓沐浴，浴池係礬石所砌，水清可鑑，柳君首先裸身入浴，余初則趑趄不前，繼亦卸衣入浴，柳君謂余曰：「東瀛共同裸浴，如家常便飯無足怪者」，余因詢柳君：「此間有所謂男女共浴者，可得見乎」？柳君曰：「鄉下可常見，此間城市，近因政府禁止，不復見矣」。浴罷登樓，茶肴羅列，其碗似若木製，磨漆甚工，其筷係二篾棒，余因異其碗之奢，而筷之陋，繼則知此筷僅用一次，餐後即棄。就餐程序，一若吃西菜然，茶肴五六，點心二道，托盤侍餐者係一女郎，每上菜，必叩首恭請，日人多虛禮，於此可見。傍晚仍返宿舟次。

三、神戶一瞥

舟行一晝夜，抵神戶，時已暮色蒼茫，當由友人江君，偕往六甲山晚宴，雖曲徑狹道，而車行仍甚速，沿途森林蓊鬱，蒼翠夾道，殆非一日之功。回觀我國，童山濯濯，天物暴殄，良堪浩歎！車抵半山，由江君導往趁懸車（Cable），形似電車，而懸於空中，可坐十餘人，行駛時，宛若騰雲，俯視則絕壁萬仞，不禁毛髮悚然、約廿分鐘，始達山頂，其時狂飈怒號，猝覺寒冷，蓋日本水平線六千呎矣。山巔有新闢馬路、糖果舖，茶館、餐館等。江君邀余入一西餐館晚宴，餐館裝飾瑰麗，電炬輝煌，座雜外賓極多，侍女婷婷侍側，其態度已不若長崎所見之拘謹，截髮時裝，悉呈歐化。餐罷登舟，已值深夜十

二時矣。翌日上午，復遊神戶之通衢，元町物價低廉，殊覺驚異。約十一時許，僱車往寶珠（距神戶約五十里之一鎮，專供遊人玩憩之所）。遊覽動物園及古式劇場等。於午後二時興盡返舟。

四、橫濱景象

舟行二日夜，抵橫濱，時已日薄崦嵫，由友人朱君，導往跳舞場觀舞，朱君迎興頗濃，即起而周旋，日本舞資，每次僅自幣一角，余則袖手旁觀，自謝不敏，舞闌已夜半，歸途經花區（妓女區），見有軍士數人，昂然穿插，因詢朱君曰：「日本警察事業，夙負盛名，何彼等軍人，仍敢擅入花叢？」朱君答曰：「日本係採取公娼制度，軍人亦得享受，且取費特別低廉」。翌晨八時，又承朱君導往東京觀光。車行一小時即達，日本皇宮在焉，其宮殿與國內之文廟相似，東京街市之整潔，與夫商人招待之殷勤周到，堪爲國人借鏡。傍晚在銀座（東京之通衢）東洋軒進餐，鄰座有孩童數人，所圍餐巾，均繡以飛機大炮等花樣，足見日本對軍事教育，無微不至也。餐後登屋頂花園品茗，氣球廣告滿佈空中，頗爲特色，夜半登舟，繼續行程。

五、遇險演習

出日本海三晝夜，皇后輪已在萬頃狂濤之太平洋疾駛，一日，午睡正酣，朦朧間，聞汽笛狂作，旋又聞鄰間閉艙聲，絞纜獅聲甚急，余大疑，倉皇出視，見所有船客，此時項頸均套以救生圈，集中船邊，依次序立外舷，前爲婦孺，中爲老者，其次爲壯年，最後爲伙伙水手等，彼等面部表情，似有大難臨頭，切盼轉載救生艇者，惟絕無一人慌亂叫囂，余驚恐之下，知船已遇險，因憶啓旋前一晚，在滬所觀

電影，適爲巨輪遇險故事，當時心寒不慄，意擬改期出國，終以船票早經定妥，無法遲延。今果遇險，豈上帝示我預兆乎？追念及此，悔懼交併，在萬千惶恐中，爬登最高層，見船長正持手槍指揮水手放救生艇，余急呼：「余之救生圈究在何處？」船長答曰：「在汝臥艙衣櫥上」，余回艙御救生圈，疾趨船邊，心念父母生我劬勞，而今葬身魚腹，是誠輕於鴻毛，轉念魯濱遜飄流故事，容有一線生還希望，而水天一色，茫無崖岸，則又萬念俱灰，淚向心頭矣；移時忽見大副兩手上伸，面露笑容，笛聲亦由促急而轉弛緩，余始恍然悟爲遇險演習，然則彼邦人士之辦事認真，與恪守秩序，誠令人敬佩不止也！

六、到達北美

二十八日抵加拿大之維多利亞埠，當登陸雇車一遊，全市面積雖不甚廣，而市街整潔，居室幽雅，實令人流連忘返，市中名勝有Butcher花園，皇后飯店、市議會廳、及大教堂數處，中尤以大教堂，及Butcher花園最有價值，Butcher花園，係英國富商耄老所，園中菓蔬草木，山禽鳥獸，佈置井然，地廣可百畝，正中建有宮殿式小洋房一幢，精緻華麗，無可比擬，外書遊人止步，是時，適有老者，徘徊亭榭間，目炯炯視余曰：「君華僑乎，抑來自中國乎？」余答以來自上海，伊極爲興奮，邀余入室茗談，因知此老者，即係富翁Butcher氏。入室後琳琅滿目，舉凡棹椅碗碟，皆係我國名產，該富翁首謂余曰：「二十年前曾在上海小住數次，深覺貴邦人士，信實可靠，故余所僱園丁、書僮、皆係華人」。嗣承主人款以香檳，歡談甚久，始告辭出。

該埠華僑，大抵來自廣東台山，所營事業，以種植菜園，及花菓者爲多，其次爲餐館，及南北雜貨。並有華報社，新民國報一所，有華僑領袖馬君者，氣宇豪爽，邀余至其所營之花園參觀，至則玻璃棚

四座，中間水汀溫度，隨花性而異，一切頗稱科學化。

當晚改趁輪船公主號，前往西雅圖，（爲北美之重鎮，全係山地建築，以開發較遲，故一切建設均按最理想之現代化都市實施），沿海森林鬱茂，燈光隱約，別有意趣，及抵目的地，已三更燈火，即登車赴華僑所開之 Mill Waukeo 旅館，留宿可週餘，以地點較僻，乃遷居西人青年會，寓第五樓，一桌一榻，小巧玲瓏，樓下有游泳池、彈子房、餐室等，餐桌作長圓形，狀如櫃，其他設備亦甚潔淨簡雅。招待週到，便有如歸之樂。

乙 北美見聞

一、美利堅民族性

美利堅民族最爲複雜，自哥倫布發現新大陸後，歐洲各民族紛紛移民於此，積時既久，各民族逐漸鑄冶於一爐，而成爲下文所說之美利堅民族性：

（一）率直 美國人之率直，可謂絕無僅有，一見如故，實爲美國人之天性，大多一經介紹之後，便無話不可談，甚至家庭瑣屑，或戀愛史等，悉告無遺，與國人之故弄玄虛，口是心非者，不可以道里計。

（二）享受 美國人最講享受，尤以婦女爲甚，不論富貴，悉係絲襪皮手套，即一榻一几之微，亦無不極盡奢侈，遇有盛大足球比賽，或拳術比賽，費千金乘飛機往觀者，亦上有人在。

(三)好奇 姑舉婦女戴帽而言，五光十色，覆額者有之，斜倚耳旁者有之，留置腦後者有之，奇形怪狀，不一而足。

(四)冒險 「千金之子，不死於盜賊」，在美國社會未可必信，如舉世矚目之電影明星 *Will Roberts* 氏，家資千百萬，富可敵國，而竟死於 *Alaska* 探險之行，其他工商界人士，超山越海，足跡遍地球者，年以萬計。

二、住宿之難

余爲便於求學起見，擬遷寓大學區附近西人家，奔走半日，竟無結果，非報以客滿，即以祇租女人爲辭，甚有以不租華人爲答者，種族成見之深，一至於此，令人詫異！次晨乃繼續找尋，適遇西婦 *Clara Washaw* 者，承告前曾有華人陳希臺氏寄寓其家，滔滔詢問陳氏行蹤，印象似頗佳者，因邀余往寓，至則一極清靜之家庭，計臥室四間，余所居者爲最大之一間，對面二間爲美國女學生，主人詢以願包飯否，余答甚好，即於次晨起，與其同餐。早餐係在廚房之一角，午晚二餐，則在餐廳；佈置更爲精美，菜味亦較可口，惟每餐須爲余座旁之女學生移椅（西人認爲不代女客移椅。或脫卸外套者，此人必無教育），似一苦事；晚餐後，恆就會客室，暢談一切，余時乘機代國內宣傳，每遇星期六下午無事，同寓之女生，輒邀余作郊外遊，常逍遙於煙霞水石間，興盡始返，所談多係政治問題，足證美國人之男女社交公開，自幼已成習慣，絕無任何神祕。

三、大學概況

華盛頓大學，爲美國優秀大學之一，規模宏敞，佔地一千四百餘畝，校舍不下一二十處，尤以圖書館、法政學院等，建築最爲精緻，全校師生計一萬二千餘人，入學手續，尙稱簡捷，開學前，應先檢驗體格及考試英文，然後領取註冊證，按照院系課程，逐一看過，再行選定學份總數。每次註冊，因人數太多，故二三十小時始可竣事，學費應在開學前一日繳清，遲則加繳罰金，如因特別情形，一時不能繳費者，得呈請學校當局，於開學後一個月內繳清，如屆期失約，則取銷學額。此外註冊時，並須注意功課號數，一百號以下者，爲大學一二年級，功課一百號以上者，爲大學三四年級及研究生功課；余第一學期所選功課，爲市政管理，美國政府及社會調查，前二者教授採取演講式，男生多於女生，後者教授採取問答式，女生佔十分之八。上課前，校場充滿人頭，熙來攘往，男生衣着污穢不堪，蓋大部學生，半工半讀，女生則衣冠華盛，間亦有穿侍女衣服上課者（因大學區餐館之侍女，大半係女學生充當），師生禮貌，不若我國之嚴謹，上課時學生兩手抱膝者有之，兩足高置桌上者有之，甚至教授亦如此，終年不見師生行禮，殆美人之天性自由歟？

學生如有疑問，可於散課後，在教師之規定辦公時間內（普通每日一二小時），趨求研討，學生大部時間，埋頭於圖書館中，圖書館規定二種書籍，一曰留守書籍，二曰出借書籍，前者限圖書館內閱讀，惟星期六晚，可借出至星期一清晨歸還。校中每於春秋兩季，舉行足球比賽，遠近來觀者數萬人，除學生享有參觀權利外，餘則概須買票，每票一二元不等，故每次票費，收入輒數萬元。

四、兄弟會與姊妹會

兄弟會與姊妹會，爲美國特有組織，考其成立原因，本爲解決男女生之食宿問題，故會址移設於學

校附近，最初爲若干同學合夥賃屋，或輪流烹飪，旋以相沿成習，因情感之結合，遂成爲一種小組織。舉凡新生之學術指導，生活指導，及畢業後之工作問題，均可由會負責辦理。此種組織，潛勢力極大，新會員例須繳納大量之入會金，及負擔灑掃烹飪等苦工，待第二批新會員接替後，始克擺脫，此種結會，就優點方面言，爲訓練青年刻苦耐勞之初步機構，就缺點言，則往往因此造成門戶之見，社會上平添若干無謂之摩擦而已！

五、香港足

香港足，即通俗所謂之腳趾濕氣，在國人視之足部患濕氣，正所以減少其他疾病之發生，故甚少就醫者，余亦患之有年矣，惟病況甚輕：某日入學試驗畢，舉行體格檢查，事先沐浴冷水浴二十分鐘，然後入場檢驗目力、聽力、體重、均告及格，最後行至主任醫生處，作全身運動時，該醫謂余曰：「君患香港足，不准肄業，以杜傳染」，經余再三要求，始允先行註冊；一面請假在外診治，並須將診斷書送核，余初延一普通醫生，校方認爲不合格，乃改請皮膚專家診治，日照太陽燈一次，歷半月始愈，而所費已在美金百元外矣！

六、半工半讀之留學生

留學生有官費與私費兩種，官費生，飲食起居無甚問題，私費學生，除少數富有者外，大多半工半讀，而美政府對黃種人做工一層，禁止特嚴，故正規工作，如開駛電車、汽車、製造罐頭食品等，礙難參加，僅可充私家臨時僱傭，如抹窗、掃地、洗盤、托盤之類，此項工作報酬，除供膳宿外，每星期約

有四五元之津貼，所謂膳宿，亦極鄙陋，大多睡在地下室，此輩學生，除早午晚工作外，其餘時間，全部埋頭書本上，故考試成績，較諸少數公子哥兒，意存鍍金者，勝過十倍，平直言之，學業成功之留學生，半工半讀者居多焉。

七、辛勤之華僑

在國人心目中，認為華僑，係發洋財之富翁，實則舉一忘百，蓋華僑之擁資千百萬者，固不乏人，而室如懸磬者，實比比皆是，尤以美洲之華僑為甚，所操職業，以餐館、洗衣館、及賭博館為大宗，餐館專以中國菜為號召，事實上此類菜素，已不中不西，蓋既可滿足外人之好奇慾望，又可適其胃口，當李鴻章使美時，美人曾請其命名此類酒菜，李則以「雜碎」名之，因而「雜碎館」三字，已名聞全美。至洗衣一業，幾十之八九為華僑所經營，以取費低廉，而能早晚收送，故極為顧主歡迎，惟近年來，因受日僑競爭影響，而漸形衰落矣。至賭博館則大率隱蔽於商舖之樓上，內有麻雀牌、九字花（此項字花以千字文為底本）等，賭徒十之八九為美人。除上列三種營業外，其餘為南北雜貨，古玩商店等，惟各舖裝潢，類皆陳舊不堪，主其事者，又多服裝不整，頭腦多烘，至今猶稱中國曰唐國，信乎唐人街之名，其來有斯也！上述鄙陋情形，既為美人目染耳濡，無怪美人之蔑視華人，甚於日人與菲律賓人也，故就國際體面言，實一憾事，惟就經濟立場言，是輩華僑，又係為中國開源之生力軍，其來也，兩手空空，冒萬難，涉險阻，在所不顧，及鬻毛日衰，稍有積蓄，方有回鄉之日；否則老死於此，雖連二三代亦一有不得還鄉者，唐詩有：「少小離家老大回」之句，似尚不足形容華僑流離他鄉於萬一也！

美國爲維護本國工人職位起見，不願他國工人混跡其間，遂於一九二四年，成立移民局，限制外國工人入口，對黃色人種歧視尤甚，通常除學生旅行者及官員稍見寬大外，其他人等入口，則極困難，即學生、旅行者，及官員等入口，亦輒因乘坐艙位之等第，而受不同之待遇；如乘坐三等艙者，則入口手續特煩，動輒留難三三日之久，一二等艙客，則三幾小時，即可上岸，至移民吏之侮慢態度，較之以前我國之紹興師爺，有過之無不及，此種痛苦，決非身歷其境者，所能想像，且遇有下列情形之一時，例須原輪遣回：（一）經濟不充分者。（二）身體欠健康者。（三）教育程度太低者。（四）律禁入口者。

九、鄉居生活

有美國國際貿易局西北辦事處副處長Crawford者，與余私交尚厚，某日約余往其寓邸參觀，車行十餘里，抵一曠野之鄉村，與我國鄉家村相彷彿，屋之四週，植有瓜豆菜蔬，屋後蓄有牛羊雞鴨，再後則爲廣場，有籃球架，箭靶等。屋內設備井井有條，一夫一婦，相敬如賓，據說每日生活頗有規則，晨起夫婦輒馳騁於田野間，一小時後，進早餐，餐後，夫則駕車赴市，婦則在家餵飼種植，間或偕夫赴市購備日常用品，傍晚夫婦觀花弄鳥，其狀至樂，聞卜居於此，已十餘年，而夫婦迄未有絲毫疾病云。

十、海灘休養

美國人爲調劑生活起見，不論大賈小商，每年輒有一二星期之休養，故徜徉山水間者，終年有之，鄰居 Copeland，某日邀余等往其別墅休養，車行六小時，到達目的地，木屋二三間，背山面水，四顧茫然，似隱者居，傍晚海灘澎湃，終夜不能成寐，翌晨拂曉即起，主人相約往灘邊撈木材炊餐，余雖以一二哩外，背負木材，得不償值，但不示弱，乃如命同往，既返，復荷鋤同往挖取蚌蛤作肴饌後，臥灘邊作日光浴，如斯越數日始告辭而歸。

十一、雪山

Mount Rainier 爲美國高山之一，計一萬四千呎，終年積雪，景色宜人，故政府特闢爲國家公園。某日偕陳水星博士往遊，抵達山麓時，路警繳收門票美金一元，作爲管理公園之用，因山勢峻峭，故道路作盤旋形，兩旁杉木高聳，引人入勝，車抵半山，已不禁其寒，雪花飄飄，如臨嚴冬，復前行里許，見山壁矗立，瀑布高掛，宛若仙境。抵山巔有大旅社一所，名天堂飯店，並有溫泉冰川等數處，管理者爲使人考古起見，特牌示發現人姓名，及年月日等，興盡暢遊而返，歸途中遇有鹿熊等獸，據稱向無野獸殺人事件，惟某次有孩童手執餅餌，致爲熊攫而傷臂，故後之遊者，咸以持食物爲戒。

十二、十年寒窗

美人 McClellan 同在美國氣象台服務，某日投刺訪余，詢其來意，知有英譯東方詩文出版，請序於余，語而誠懇，余察其內容，多係翻譯李、杜、韓、柳之作品，詢其學歷，知已揣摩二十餘年，且向未履華，亦無任何華人教導，僅憑字典探索，其求知精神，良堪敬佩，嗣承邀往其寓小敘，渠書室中滿桌

十餘種，承告一九三八年或將赴華研究中國法律發達史，予當即加以勗勉而別。

十三、教授生活

名教授 Godwin 先生，美之東方通也，年已七十餘，鬚眉皓白，而精神矍鑠，耳目五官，猶如壯年，余某次曾因入學事，前往其寓造謁，意在請其代為證明，中國之國立大學，並不亞於教會學校。當余步入其寓時，其夫人正從事於縫紉，詢知來意後，即電語其夫，請示此時可以見客否，蓋 Godwin 先生正在其私人圖書館中，埋頭研究也。先生開口即余余姓名住址及電話號數，余一一以答，並說明來美途中曾見先生於船上，蓋 Godwin 先生亦係趁俄國皇后輪返美，為全輪最有聲望之旅客，談不及數分鐘，Godwin 先生急促謂余曰：「此來有何見教，幸速明示」，余告以故，先生即信筆作證明文件，並謂余曰，君如無事，可在內室瀏覽各種書報，容日有暇，當再函約長談，言畢，即覆案繼續研究，其好學精神，真所謂惜分陰者矣，既出即繞其圖書室長廊一覽，四壁皆書，可數十萬卷，下山時於其夫人口吻中，探悉先生除週末例假及上課外，自晨至晚，均埋頭於圖書室中，至家庭瑣事，及學校行政等，概不置問，酒肉應酬，更屬絕跡，任教已四十年，而先生年功加俸，月入已經超過校長薪給矣。

十四、蕭特之母

當余探悉因參加一二八淞滬抗戰，而殉難之美籍飛行家蕭特義士之母，在 Pidgeot Sound 時，即驅車往訪，至則木屋二三間，負山臨水，蕭母年約四十許，態度極和霽，余等說明來意後，彼無限欣慰，

談吐間對中國政府厚殮其子，至感光榮，並願意其幼子繼續乃兄遺志，爲中國效勞，言畢出示義士傳記，余以義士爲我國喪身，當年轟烈事跡，誠足以驚天地而泣鬼神，其生平傳記，自更足爲國人矜式，且文筆流暢，可作初中英文讀本，因託友將原稿寄呈中央，冀爲付梓，旋得中央批示，補助法幣一千元，原稿寄回，自行出版，終以美國印刷費昂貴，此書遂未問世，殊爲憾耳！

十五、中國俱樂部

中國俱樂部之名稱，係由英文（China Club）直譯而未，意譯之，不若命名中國之友社爲善，蓋此項組織，純以宣傳中國文化之盛，與招待過境華人爲目的，會員泰半係在華多年之商賈、教士等，總會設紐約，其他通都大市，均設有分會，每年例有招待留美學生之大宴會一二次，時間多在夏秋之交。地點則多假座當地最宏敞之餐廳。參加人員，除全體會員外，並有當地最高長官，及大學校長等。宴會開始前，例有歡迎詞，答詞等節目，通常均用英語，惟某次致答詞者，忽用華語，全場驚異，竊以某君之用華語，寓意至深，蓋此種宴會，本應中西並重，惜乎西人之熟諳中國語言者究少，故似應於中文講述之後，再繼以英語演譯，則於情於理無所偏頗矣。

十六、國際法案

有浙籍海員李某等三人者，目不識丁，服務挪威商船，該船約萬噸左右，經常航駛中美間，一九三五年夏，於船抵美國領海時，三人墮船致傷，關吏發覺後，即電告當地僑界首領馬君，前往診視，而馬君籍隸粵省之台山，一口台山土腔，與此阿拉雷波人之受傷海員，談話答非所問，格格不入，廢然而返。

。事聞於余，乃急往探訪，該海員等聞余操江浙口音，喜出望外，頻頻作恭打揖，連呼功德不止，此時余慈悲心與同鄉心油然而生，即應允力為襄助，當一面與移民官吏交涉，逕送海軍醫院醫治，一面向該船駐美辦事處交涉損害賠償，斥其艙板不應年久失修，而船方鬼魅其心，先則推諉遣回上海再議，繼而表示全不負責，余乃轉託友人陸君、彭君等，為其進行訴訟，船方則向法院辯稱，原告係華人，被告為挪威人，美方不應過問，我方則以刑事地點在美國領海之內，力主當地法院承辦，結果法院受理，船方乃改向移民局責難，謂華籍海員，依律不能在美登陸，應即遣解赴滬，我方則力斥其非，以移民律之所禁，止海員登陸者，為防範其另謀工作，今該海員等已因傷暫失工作能力，且正在診斷期間，不便移動，人情法理均應兼顧，移民官吏始默然無言，此時船方已黔驢技窮，乃邀人出而排解，津貼美金二千四百元了事。

十七、一語千金

有粵籍富商女來美遊歷，攜帶大量皮衣及湘繡等件，關吏檢查其行李時，詢以各物價格，女報之以實計在萬金左右，關吏估計之餘，聲須徵稅美金千五百元，女謂此係自用物品，何須納稅，關吏因向其索閱護照，蓋在估計居留期內，是否需要如許數量，而護照載明，留美有效期間為一九三五年三月至九月，關吏驗明後，即厲聲謂女曰：三月至九月期間，無須穿着皮衣，非蓄意出售而何，希速納稅。是時余適赴輪埠迎友，見狀即以華語告女謂：可推託此行係環球遊歷，九月以後，尚須橫渡大西洋作北歐漫遊也，攜帶皮衣者以此，至湘繡等物，係贈送歐美友好，女即據此聲辯，關吏乃驕然而去，女則由愁眉倒掛之情景，而為回眸一笑百媚生之體態矣。

十八、混合婚姻

華僑之娶西婦者，時或見之，惟因美國人色種觀念較深，故願嫁者大多係中下階級。有華僑醫生陳某者，因業務關係，得識一良家西女，女曾畢業於斯丹福大學，現任中學教員，熟諳法文及西班牙文，面目娟秀，其父爲某電燈廠總辦，家頗富有，陳某戀之甚，惟因女父堅決反對，乃密約先行結婚，然後通知乃父，雙雙即偕赴律師處宣誓，願結百年之好，手續齊備後，女仍返家，兩星期後，該女始將結婚戒戴出，其父母即汪然出淚曰：「吾兒已下嫁乎？」女唯唯稱是，其父怒髮衝冠，立即警告陳某聲言如不將此項婚姻解除，當以手槍對付，陳某置之不理，惟私自防範而已。越二日女母形勢洶洶，闖入陳某醫院，其時適余在旁，眼見該婦大肆咆哮，盛責陳某之騙婚，最後力勸其女隨同返家，陳某則堅持夫婦有同居之義務，力駁之，斯時女左右爲難，經數小時之爭執，女始發言曰：「吾母可先返，余當於今晚六時回家。」該婦始悻悻而去。此種混合婚姻確難協調，不獨美人有如斯心理，即國人之願嫁異族者，亦不多觀，實則混合婚姻足以優生強種，無待論斷。

十九、生育檢查

孕婦之健康與否，影響種族強弱至大，故各國極爲重視，尤以物質發達之美國，對保妊一道，倍形嚴密，普通妊婦，於懷孕二三月後，即應聲請當地衛生事務所，派員義務檢查，指示飲食攝生方法，每隔二三星期，檢查一次，直至分娩爲止。既產之後，則由該所嬰兒部分之看護，每月檢查嬰兒之體重消化力等，彙登記錄表，如保險公司，即按照是項記錄表，徵求保險，而爲該嬰兒之長期健康顧問矣，過

有疾病，保險公司，必盡其診治之能事，故嬰兒死亡率較其他各國爲低，而保險事業之發達，如此可見一斑矣。

二十、週末消遣

美國人之活潑氣象可於週末消遣一事中見其一斑，每屆星期六下午，各大機關，均閉大門，所有辦事人員，莫不相約作郊外遊，即一般平民，亦停止工作，挈眷遊憩，故郊外小旅館，輒告客滿，在風和日麗之時，恆見紅男綠女，圍坐於地毯上，舉行野餐，或則仰臥於海濱沙灘，或則翹登雪山，作滑雪比賽，其怡悅融洽之情景，似非局外人所可想像者，迨至下星期一，始各興盡而歸，照常工作，此種波瀾式之生活，一張一弛，有益身心至巨，亦惟有工作與娛樂相配合，相和諧，方成爲有意義有價值之生命。

二一、個人主義

在中國倫常間，五代同堂認爲無上光榮，惟美國社會，則引以爲恥，而事實上亦無此種現象。翁姑子媳，相寓一宅者，百不得一，在自由獨立原則之下，而言分爨，固不可非議，惟以孝悌而言，則美人不無遜色也，姑舉二事，以證讀者：

寓主一老嫗，年約六十餘，有子女六人，五已婚嫁，且長次兩子，均極騰達，而母子極少來往，幼子尙未結婚，得侍老嫗，迨幼子結婚，亦攜眷他徙，終令此老，離羣索居，躬親炊洗！國人嘗言養兒防老，彼美人無此觀念也。

隣居 Copeland

君，曾在敘利亞多年，東方習俗，濡染較深，因此孝悌觀念較人爲強，遂迎母同